



## SIARAN MEDIA

### JABATAN ALAM SEKITAR NEGERI SARAWAK

#### MAJLIS PERASMIAN PROGRAM JELAJAH RAKAN ALAM SEKITAR DI BAWAH PROGRAM KOMUNITI PENCEGAHAN & PEMANTAUAN KEBAKARAN TANAH GAMBUT SEMPERNA SAMBUTAN HARI OZON SEDUNIA TAHUN 2022 PERINGKAT NEGERI SARAWAK

**28 OGOS 2022 (AHAD)**

---

**27 - 28 Ogos 2022, Lubok Antu:** Majlis Perasmian Program Jelajah Rakan Alam Sekitar Di Bawah Program Komuniti Pencegahan & Pemantauan Kebakaran Tanah Gambut Sempena Sambutan Hari Ozon Sedunia 2022 Peringkat Negeri Sarawak anjuran Jabatan Alam Sekitar Negeri Sarawak dengan kerjasama pelbagai agensi/jabatan kerajaan di Bahagian Sri Aman dan Daerah Lubok Antu telah disempurnakan oleh YB Dr. Hj. Hazland Bin Abang Hipni, Timbalan Menteri Tenaga Dan Kelestarian Alam Sekitar (MEESTy) pada 28 Ogos 2022 di Rumah Edwin, Nanga San, Lubok Antu. Majlis ini turut dihadiri Yang Berhormat Datuk Dr Malcolm Mussen Anak Lamoh, Timbalan Menteri Perdagangan Antarabangsa, Industri dan Pelaburan merangkap Ahli Dewan Undangan Negeri N. 34 Batang Ai, En. Sirai Daha, Residen Bahagian Sri Aman, En. Richard Ngumbang, Pegawai Daerah Lubok Antu, En. Mohamad Zaihan Bin Hj. Lek, Ketua Penolong Pengarah Kanan Jabatan Alam Sekitar Negeri Sarawak, En. Tommy anak Laman, Pemangku Setiausaha Majlis Daerah Lubok Antu dan wakil/ketua jabatan dari jabatan/agensi/kerajaan persekutuan dan negeri, serta komuniti setempat.

Sambutan Hari Ozon Sedunia 2022 yang disambut pada 16 September setiap tahun bertemakan "*Montreal Protocol@35: Global Cooperation Protecting Life On Earth*" menunjukkan besarnya impak Protokol Montreal dan Kigali Amendment ke atas perubahan iklim dunia dan betapa pentingnya kerjasama global untuk mengatasi cabaran-cabaran dalam menangani perubahan iklim dunia demi melindungi hidupan atas bumi untuk generasi masa hadapan.

Majlis Sambutan Hari Ozon Sedunia pada hari ini melibatkan perasmian Program Jelajah Rakan Alam Sekitar bagi meningkatkan penglibatan masyarakat dalam usaha melindungi lapisan ozon dan penjagaan alam sekitar di Negeri Sarawak. Selain itu, program ini bertujuan memberi pendedahan kepada komuniti berkaitan larangan pembakaran terbuka serta pelaksanaan SOP dan fasiliti tanah gambut dan pemantauan kebakaran di kawasan tanah gambut, dan kawasan lain yang berisiko terbakar semasa musim panas dan kering.

Turut diadakan gotong-royong, pertandingan mewarna, pameran dan ceramah kesedaran alam sekitar dan kebersihan melibatkan penceramah dari Jabatan Alam Sekitar Negeri Sarawak, Lembaga Sumber Asli dan Alam Sekitar Negeri Sarawak, Majlis Daerah Lubok Antu dan Lembaga Sungai-Sungai Sarawak.

**TAMAT**